



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XII. De Cognitione Legali.

[urn:nbn:de:hbz:466:1-63462](#)

Parochus, nomine Christi baptizat, non nomine
constituentis: econtra substitutus ad levandum
præcisè agit nomine substituentis.

TITULUS XII.

De Cognitione Legali.

SUMMARIUM.

1. Quid & quotuplex sit cognatio Legalis, & de oriatur.
2. An ex sola adoptione perfecta.
3. Quas personas afficiat.

Cognatio Legalis, sic dicta, quia à Legibus Juris Civilis primò inventa, licet postea à SS. Canonibus recepta, est proprietas personarum ex adoptione proveniens, & ex Jure Ecclesiastico dirimens Matrimonium inter duas personas. Proin agitur hic de Impedimento Cognitionis Legalis, proveniente ex adoptione, quae in genere sumpta ex l. i. & i. i. & c. ff. de adoptione definitur esse actus legitimus, quo qui natura filius non est, in filium assumitur: seu, quo per omnia extranea assumitur in filium vel filiam, nepotes vel neptem. Alia est perfecta, quæ vocatur arrogatio: alia imperfecta, quæ dicitur simplex, vel adoptio in specie. Prior contingit, quando parentes familiæ, seu homo sui juris, & extra potestem patriam constitutus, autoritate vel Rescripto Principis, ita assumitur in filium, ut subjiciatur patriæ potestati assumentis, atque in ejus familiæ.

am transeat, & hæres necessarius efficiatur non minus ac filii naturales. *§. 3. Inst. l. 2. C. eod.* Posterior, quando filiusfamilias, seu sub alterius patria potestate existens, authoritate inferioris Magistratus in filium recipitur ita, ut non transeat in potestatem & familiam adoptantis, jus tamen succendi ab intestato (non tamen ut hæres necessarius) acquirat. *§. 1. 2. 10. Inst. eod.* Si tamen filiusfamilias ita recipereatur ab avo paterno vel materno, veniret in familiam & patriam potestatem adoptantis: quæ adoptio in specie vocari solet *perfecta*, vel *plena*. Porro omnis adoptans debet esse mas, paterfamilias, major 25. annis, adoptatum ita excedens ætate, ut posset esse illius pater naturalis, item debet esse ex natura sua potens ad generandum, persona autem adoptata esse præsens adoptanti, & intervenire authoritas Principis, vel Magistratus inferioris, prævia cognitione causæ. *§. 3. 4. 9. 10. Inst. l. 2. 24. 25. ff. l. 1. & fin. C. eod.*

Dico 1. Impedimentum Cognitionis Legalis 2 probabilius solum oritur ex adoptione perfecta, quæ dicitur Arrogatio. Communior cum Sanch. contra Mastrium & Reiffenstuel aliisque Scotistas. Prob. *Leges Civiles*, ubi statuerunt Cognitionem Legalem, ferè loquuntur de arrogatione, ut *l. 14. 17. 55. de Rit. Nupt.* scilicet propter subjectionem & potestatem patriam in adoptatum, vel adoptatam &c. & ad cavendum periculum fornicationis, quod alioquin inimineret inter personas in eadem familia commorantes, & sub eadem potestate constitutas: sed *Jus Canonicum*, hanc cognitionem pro impedimento Matrimonii

sta-

statuens, sequitur & approbat Leges Civiles *cav.*
i. 5. caus. 30. q. 3. & c. un. b. t. & quidem
 propter easdem duas rationes, quarum neutra ve-
 rificatur in adoptione imperfecta & simplici (*mihi*
 sit facta ab aliquo ascendentे, a vo paterno vel
 materno, ubi tamen jam datur aliunde fortior
 cognatio, nempe naturalis, & ideo otiosum est
 de hac disputare) ergo solūm oritur ex arrogatio-
 ne impedimentum cognationis spiritualis. Co-
 firnatur: secundūm Leges non contrahitur cognati-
 o Legalis inter adoptatum & filios naturales ille-
 gitimos adoptantis: sed hujus rei alia redditio
 non potest, quam quodd proles illegitimae do-
 sint sub patria potestate: ergo cognatio Legalis
 non contrahitur (etiam secundūm SS. Canones)
 nisi adoptatus transeat in patriam potestatem
 adoptantis. *Objic.* Consanguinitas linea collateralis seu transversæ est vera consanguinitas, &
 dirimit Matrimonium, quamvis sit minus perfecta
 consanguinitas, quam consanguinitas linea recta:
 ergo etiam ex adoptione simplici, quamvis sit mi-
 nus perfecta, quam arrogatio, oritur cognatio
 Legalis dirimens Matrimonium. *R. N. conf. &*
parit. nam pro consanguinitate linea collateralis
 pugnant clari textus Juris, non item pro cognatione
 orta ex adoptione simplici.

3 Dico 2. Impedimentum Cognationis Legalis
 datur inter sequentes personas. 1. Inter adop-
 tam, & filium vel filiam adoptatam, ac adop-
 tati liberos & descendentes. Et haec species in
 linea recta vocatur *paternitas*. 2. Inter adop-
 tum, & liberos, naturales ac legitimos simul, adop-
 tantis, inque hujus patria potestate constitutos.

Et hæc species in linea collaterali dicitur *fraternitas*. 3. Inter adoptantem & uxorem adoptati, ac vicissim inter adoptatum & uxorem adoptantis. Et hæc species nuncupatur *affinitas*. Pars 1. sumitur ex §. 1. & 2. *Inst. de nupt.* l. 55. can. 1. & c. un. citt. Pars 2. ex §. 2. *Inst. de nupt.* l. 17. & c. un. citt. Pars 3. ex l. 14. & can. 1. citt. atque communis DD. Cœterum paternitas & affinitas perdurat etiam sublata adoptione. arg. §. 1. cit. c. 8. de consang. fraternitas autem tollitur soluta adoptione, quæ solvit per emancipationem, ac mortem tum naturalem tum civilem adoptantis. per l. 17. & c. un. cit.

TITULUS XIII.

*De eo, qui cognovit Consanguineam
Uxorius suæ, vel Sponsæ.*

SUMMARIUM.

1. *Affinitas ex copula illicita, præsertim cum consanguinea sponsæ vel consanguineo sponsi habita*
2. *Dirimit Matrimonium non ultra secundum gradum.*
3. *Impedit usum Matrimonii, si copula habeatur cum consanguinea uxorius, vel consanguineo mariti.*
4. 5. *Excusat tamen ignorantia tam Juris quam Facti.*

Sermo est & sensus tam de eo, qui cognovit (nempe carnaliter per copulam perfectam)